

29-fevral
2024-yil 9 (1059)



IJTIMOIIY-
SIYOSIIY
GAZETA

XXI asr

GAZETA 2004-YIL 1-YANVARDAN CHOP ETILA BOSHLAGAN

© 21asr.uz © XXI_asr@mail.ru @XXIasr_yangiliklari XXIasrgazetasi asr_xabarlarlari_news

ТИНЧЛИК ТАДБИРЛАРИ

ВА ТАДБИРКОРЛИК ТАРАҚҚИЁТИ

/// "XXI ASR" SHARHI



САЙЛОВОЛДИ ДАСТУРЛАРИ ИЖРОСИ: ХАЁТГА КЎЧАЁТГАН ЭЗГУ МАҚСАДЛАР



ПРЕЗИДЕНТИМИЗНИНГ "ЎЗБЕКИСТОН – 2030" СТРАТЕГИЯСИНИ "ЁШЛАР ВА БИЗНЕСНИ ҚЎЛЛАБ-ҚУВВАТЛАШ ЙИЛИ"ДА АМАЛГА ОШИРИШГА ОИД ДАВЛАТ ДАСТУРИ ТЎҒРИСИДА"ГИ ФАРМОНИДА БЕЛГИЛАБ БЕРИЛГАН УСТУВОР ЙЎНАЛИШЛАРНИНГ ДОЛЗАРБ АҲАМИЯТИ ЮЗАСИДАН АЙРИМ МУЛОҲАЗАЛАР **3**



5

КУНИ БИЗГА ҚОЛГАН БАЙРОҚ

Байроқ очиқланади, оқсоқолларга маслаҳат солинади: уни ўзимиз бундай сақлаб туrolмаймиз, Тошкентга олиб бориб, Соҳибқирон бобомиз музейига берайлик, унинг шунча вақт сандиқларда бекиниб ётгани етар, энди бутун ўзбек халқи кўрсин, фахрлансин. Бу маслаҳат ҳаммага маъқул тушади ва охири марта байроқ уйида сақланаётган отахон халқнинг дуоси ва розилигини олиб, уни Тошкентга олиб келган...



6

САЖДАГОҲИМ ТАНҲО ВАТАН, ОНА ЕР! У ФАҚАТ СИЁСИЙ ШОИРА ЭМАСДИ – ЗУЛФИЯ ҲАҚИДА 5 ВОҚЕА

– Ташна бўлиб турганингда чой кўтариб чиққан аёлингнинг садагаси кетсанг арзийди, – дейди шоир ва чойни кўйиб, ўзиям майса устига ўтириб олган аёлига таажжубланиб қарайди. – Ий-й, шунақаям бўларканми? – у устидаги енгил коржомасини ечиб, майса устига тўшайди: – Марҳамат!



/// ТАХЛИЛ ВА ТАКЛИФ

ЖАМОАТЧИЛИК НАЗОРАТИ КЕРАК ЭКАН-ДА!

Кенгашимиз ҳузурдаги депутатлик гуруҳи аъзолари ниҳоят шундай қарорга келишди. Нега? Чунки улар партия электорати вакиллари ва аҳолининг турли қатламлари билан кечган жонли мулоқотларда қатор масалаларга биргалликда жавоб излашди.

Масалан, оилавий тадбиркорлик билан шуғулланаётганларнинг кўпчилиги иссиқхона фаолияти ҳамда қишлоқ хўжалиги маҳсулотларини етиштириш бўйича айрим жўяли таклифларни ўртага ташлашди. Албатта, бу жараёнда арзон ва сифатли уруғ топиш кейинги пайтда осон бўлмаяпти. Айниқса, экспортроп ва бозорроп уруғ навларини қиммат нархларда сотиб олишга мажбур бўлишгаётгани ҳам сир эмас.

Жамоатчилик гуруҳи аъзолари Жарқўрғон туманидаги “Марказий Сурхон” маҳалласида бўлишиб, булғор қалампери етиштириш билан шуғулланаётган оилавий тадбиркорлар билан суҳбат жараёнида биринчи навбатда уларнинг даромадлари қандайлиги билан қизиқишди. Табиийки, кейинги йилларда барча соҳаларда бўлгани каби, ўз томорқасида иссиқхона қурган хонадон соҳибларининг иқтисодий жиҳатдан бақувват бўлиб бораётгани кузатиляпти. Мазкур маҳаллада ҳам тўрт фаслда томорқасини гуллатиб қўйганлар сафи йил сайин кўпаймоқда. Аммо оқорида тилга олинган муаммо – сифатли уруғни қимматга харид қилиш оқибатида кўпчиликнинг

сумида кўмир маҳсулотларини ишлатишга мажбур. Лекин уларни қўллаб-қувватлаш учун баъзи имтиёزلарни қўллаш вақти келмадимикан?

Яна бир жиддий муаммо, бу сув таъминоти масаласидир. Вилоятимизнинг Бандихон, Қизирик, Музработ, Шеробод ва Термиз туманларида фаолият кўрсатётган фермерлар, яъни партияимиз электорати вакиллари, айниқса, қизгин мавсум пайтида сув етишмаслигидан азият чекоқда. Бу борада, албатта, ҳукуматимиз ва тегишли идоралар қонуний асосларга кўра барча чора-тадбирларни кўришмоқда. Лекин барибир бу муаммога биргалликда, ҳам-жиҳатликда ечим топиш учун ҳаракат қилмасак, кейин кеч бўлади.

Шунинг учун жамоатчилик гуруҳимиз ҳамфикр бўлиб, санаб ўтилган туманларда сув тежовчи технологияларни янада кенгроқ жорий қилиш, айниқса, томчилатиб суғориш ускуналаридан унумли фойдаланиш, артезиан кудуқлари орқали сув чиқариш учун имтиёзлар ва субсидиялар ажратиш зарур деб ҳисоблайди!

Кузатуларимиз давомида гувоҳ бўл-



харажатлари кўпайиб, фойдаси камайиши одамларнинг ҳафсаласини пир қилаётгани ҳақиқат. Шунинг учун айна масалада депутатлар ва партия фаолларининг кўмаги ниҳоятда зарурлиги бежиз таъкидланмади.

Биринчи навбатда ушбу муаммони ижобий ҳал қилиш учун иккита таклиф ўртага ташланди:

Авалло, тадбиркорларга уруғ етказиб беришда имтиёзлар қўлланилса, на-тижадорлик ва манфаатдорлик ошади.

Хориздан келтирилаётган сифатли уруғлар муқобилини Ўзбекистонда ҳам етиштириш чораларини кўриш лозим!

Шунингдек, гуруҳ аъзолари вилоят миқёсида оилавий тадбиркорлик билан машғул бўлган жисмоний ва юридик шахслар дуч келаётган муаммолар орасида электр ва газ таъминоти линиялари бўлмаган ёки узилтирилган рўй берадиган айрим ҳудудларда бу борада узлуksиз таъминотни йўлга қўйиш учун қайта тикланувчи электр манбалари ҳамда кўмир маҳсулотлари етказишда имтиёзли шартларни қўллаш бўйича ҳам амалий таклифларни ўртага ташлашди.

Чунки ҳозирги кунгача, айниқса, иссиқхона ташкил этган тадбиркорлар ўша ҳудудда, масалан, умуман газ қувурлари бўлмаса-да, ноиложликдан куз-киш мав-

дикки, номлари саналган ана шу ҳудудларнинг деярли ярмидан кўпиди асосан томорқачилар фақатгина эртаки экинлар етиштириш билан чекланиб қолишгаётгани ачинарли ҳолдир.

Яна бир эътибор қаратиш зарур бўлган соҳа, бу мева-сабзавот энг кўп етиштирилаётган туманлар, масалан, Ангор, Денов, Жарқўрғон, Олтинсой туманларида аҳоли томорқаларига комплекс хизмат кўрсатишни ташкил этиш учун томорқа хизмати кластерлари фаолиятини йўлга қўйиш кечиктириб бўлмайдиган вазифа эканлигини алоҳида таъкидлашни истардик. Бу тажриба аксарият ҳудудларда ўзини оқлаётгани учун шундай таклифни ўртага ташлаяпмиз. Бу эса, биринчи навбатда, экспорт салоҳиятимизни янада оширишга хизмат қилса, қолаверса, одамларнинг иқтисодий манфаатдорлигини таъминлашда ўзига хос кўприк вазифасини ўтайди.

Умуман олганда, кенгашимизнинг фал аъзолари, депутатлик гуруҳимиз вакиллари билан иборат жамоатчилик гуруҳи қисқа ўрғаниш жараёнида халқимизнинг мамлакатда олиб борилаётган изчил ислохотлардан розилигини асдида ҳар доим ана шундай мезонлар асосида ўлчамимиз лозимлигига яна бир бор гувоҳ бўлдик.

Алишер РЎЗИЕВ,
О'zLiDeP Сурхондарё вилоят кенгаши раиси

МИРОБОДДА МАСЛАҚДОШЛАР КЎП

О'zLiDeP Тошкент шаҳар кенгашининг ёшлар билан ишлаш ва бизнес тузилмалари бўлими томонидан партиянинг Миробод туман кенгаши билан ҳамкорликда Тошкент давлат транспорт университетида “Парламентда менинг ўрним” лойиҳаси доирасида ёшлар билан учрашув ўтказилди.

Олий Мажлис Сенати аъзоси Баҳодир Тожиев, Қонунчилик палатаси депутати Нодир Жумаев, Шаҳноза Холмаҳмадова, шунингдек, партия фаоллари ва талаба ёшлар, оммавий ахборот воситалари вакиллари иштирок этди.

Сўзга чиққанлар 2024 йилнинг “Ёшлар ва бизнесни қўллаб-қувватлаш йили” дея номланган навқирон авлодни фойда кўнантиригани, давлатимиз раҳбари ташаббуси билан мамлакатимизда ёшларни қўллаб-қувватлаш бўйича изчил ислохотлар амалга оширилаётгани, Учинчи Ренессанс сари дадил қадам ташлаётган Янги Ўзбекистонга муносиб бўлиш ва дахлдорлик ҳиссини шакллантириш вазифаси устувор аҳамият касб этаётганини алоҳида таъкидлашди.

“Ўзбекистон – 2030” стратегиясидан ўрин олган “Ёшларни замонавий касблар ва чет тилларга ўқитиш тизимини яратиш” ва



“Ёшларнинг интеллектуал салоҳиятини ошириш, уларнинг илмий фаолиятини рағбатлантириш” деб номланган 30 ва 31-мақсадлар юзасидан атрофлича фикр билдирилди.

Шундан сўнг талабаларга партиянинг “Парламентда менинг ўрним” лойиҳаси бўйича тўлиқ маълумот берилди. Дарҳақиқат, ёшларни маънан баркамол, иродаси бақувват, иймони бутун, кучли мафкуравий имунитетга эга шахс сифатида тарбиялаш

фаровон ҳаёт барпо этишнинг асосий шартларидан бири бўлиб қолаверади. Буни ёшлар билан савол-жавоблар тарзидаги очиқ мулоқотдан ҳам билиш мумкин.

Тадбир сўнггида О'zLiDePга аъзо бўлган 10 нафар ёшга партия гувоҳномаси тантанали равишда топширилди.

О'zLiDeP Тошкент шаҳар кенгаши матбуот хизмати

БУХОРОНИНГ “ТАШРИФ ҚОҒОЗИ”

О'zLiDeP Бухоро вилоят кенгашида партия ишчи гуруҳлари томонидан ҳудудда хунармандчиликни ривожлантириш бўйича амалга оширилаётган ишларнинг дастлабки натижаларига бағишланган давра суҳбати ўтказилди.

Унда пешқадам хунармандлар, соҳанинг ёш вакиллари, бошловчи хунарманд аёллар, маҳаллий кенгаш депутатлари, партия фаоллари ва масъуллар иштирок этишди.

Мулоқот давомида маҳаллий хунармандларнинг шу кунга қадар эришган

ши депутати Бобомурод Очилов алоҳида таъкидлаганидек, кейинги йилларда Бухоро вилоятида хунармандчиликни ривожлантиришга жиддий эътибор қаратилиб, давлатимиз томонидан соҳа ходимларига қатор имтиёз ва энгилликлар берилмоқда. Айниқса, О'zLiDeP томонидан ўтказилаётган турли кўрик-танловларда айнан хунармандларнинг етакчи ўринларини эгаллаб келаётгани бунинг ёрқин исботидир.

– Вилоятда бугунги кунда уч мингга яқин хунарманд фаолият кўрсатмоқда, – дейди Бухоро шаҳридаги “Совға устозодаи зардўзон” оилавий корхонаси раҳбари Бахшулло

шер Нарзуллаев, Бухоро туманида фаолият кўрсатётган Акмал Муҳитдинов, вилоят марказида эса Даврон Тошев сингари моҳир хунармандлар раҳбарлик қилишмоқда.

“Тадбиркор аёллар клуби” раҳбари Мамлакат Содикова, вилоятда каштачилик бўйича мактаб яратган Зулайхо Каримова, моҳир дизайнер-тўқувчи Мақсад Ҳамроева ва бошқалар тадбирда сўзга чиқиб, қатор таклифларни ўртага ташлашди. Тайёр маҳсулотларда миллий қадрият ва анъаналарни сақлаб қолган ҳолда креатив ёндашиш, он-лайн савдои йўлга қўйиш, хунармандларнинг соҳага оид амалдаги қонунчиликдан ҳа-



ютуқлари билан бирга, уларнинг фаолиятига тўққинлик қилаётган айрим муаммолар хусусида ҳам сўз борди. Соҳа ривожига самарали таъсир кўрсатувчи имтиёз ва имкониятлар юзасидан атрофлича фикр алмашилди.

Мулоқотда О'zLiDeP вилоят кенгаши раисининг биринчи ўринбосари – аппарат раҳбари, Халқ депутатлари вилоят кенга-

Жумаев. – Хунармандчиликнинг зардўзлик, заргарлик, мис қандакорлиги, кулолчилик, темирчилик, миннатори санъати сингари 43 та йўналиши хоризий сайёҳларда катта қизиқиш уйғотмоқда. Ҳозирги пайтда вилоят бўйича жами 12 та хунармандчилик маркази ташкил этилган бўлиб, уларга ғиждудонлик моҳир кулол, Ўзбекистон халқ устаси Али-

бардорлигини ошириш мақсадида О'zLiDeP ҳамда “Хунарманд” уюшмаси ҳамкорлигида семинар-тренинглар ташкил қилиш лозимлиги қайд этилди.

Асхор ИСТАМОВ,
“XXI asr” мухбири

БПТ САЙЛОВИ ҚАНДАЙ ЎТДИ?

О'zLiDeP Навоий шаҳар кенгаши таркибиде 12 794 нафар аъзони бирлаштирган 109 та бошланғич партия ташкилотиде шу кунларда ҳисобот-сайлов йиғилишлари қизгин тарзда ўтказилмоқда. Шундай тадбирлардан бири “Микрокредитбанк” Навоий вилоят филиали ҳузурдаги партия кўйи бўғинида ташкил этилди.



Кўйи бўғиннинг 2023 йилги фаолияти тўғрисида БПТ раиси Жаҳонгир Ҳосиловнинг ахбороти тинланди. Сўзга чиққан партия аъзолари ўтган давр мобайнида эришилган натижалар, жумладан, йил давомида 12 нафар янги аъзо қабул қилингани, депутатлар билан ҳамкорликда 8 нафар кўйи бўғин вакилининг мурожаати ҳал этилганини алоҳида таъкидладилар. Шу билан бирга, йўл қўйилган камчиликлар хусусида ҳам ўз фикр-мулоҳазаларини баён этдилар. Хусусан, электротат муаммоларини ижобий ҳал этишда баъзи маҳаллий кенгаш депутатлари билан ҳамкорлик сустиги, бу эса мурожаатлар билан ишлашда салбий таъсир кўрсатаятгани очиқ айтилди.

Йиғилиш сўнггида “Ўзбекистон – 2030” стратегиясида белгилаб берилган устувор вазибалар, шунингдек, кунга кеча қабул қилинган “Ёшлар ва бизнесни қўллаб-қувватлаш йили” давлат дастуридан келиб чиққан ҳолда бажарилиши лозим бўлган чора-тадбирлар режаси тасдиқланди.

О'zLiDeP Навоий вилоят кенгаши матбуот хизмати

/// ХУДУДЛАРДАН ХАБАРЛАР



САЖДАГОҲИМ ТАНҲО ВАТАН, ОНА ЕР!

У ФАҚАТ СИЁСИЙ ШОИРА ЭМАСДИ – ЗУЛФИЯ ҲАҚИДА 5 ВОҚЕА

ришни ўзимга ор деб биламан, – деб жавоб қайтаради Зулфияxonим.

Шу мулоқотдан кейин унга москваликлардан айримларининг муносабати салбий томонга ўзгарди. Венада тадбир иштирокчилари жойларда учрашувлар ўтказиб келишгач, фақат Зулфия опадан ҳисобот сўрашади. Ахийри у: “Нима учун мен икки карра ишлашим керак? Ишон-масаларинг, ёнимга кузатувчи қўйинглар. Ёки мен учрашувларга бормаи қўя қолай”, дейди. Шундан кейин Зулфияxonимдан ҳисобот сўрамайдиган бўладилар.

...1953 йил, урушдан кейинги оғир давр. Ленинграддан Александра Стрелсова келиб, “Ўзбекистон хотин-қизлари” журналида ишлаш бошлади. Стрелсованинг кийимлари бир аҳволда, айниқса, пойабзали жуда эскириб кетганди. Жамодагилар унга янги туфли олиб беришмоқчи бўларди-ю, лекин дилини оғритиб қўйишдан андиша қилишарди. Бир куни аёлларнинг ўзаро суҳбати пайтида Зулфия опа гапни айлантириб, ҳамманинг нечанчи ўлчамдаги оёқ кийими кийишини сўраб чиқади... Сал ўтмай, туғилган санасида эрталаб иш столи тортмасини очган Стрелсова янги туфлини кўриб йиғлаб юборади.

Шу заҳоти Зулфия опа:

– Шура, илтими, хафа бўлманг. Биз сизнинг дилингни оғритмоқчи эмасдик... – деб узр оҳангида сўз бошлаганда, гапни Стрелсова бўлади:
– Мен хафа бўлганимдан эмас, шундай олижаноб, меҳрибон одамлар ораси-

га келиб қолганимдан хурсанд бўлиб кўз ёшларимни тийлмапман.

...1970 йили шоира халқаро “Нилуфар” мукофотида сазоворлар қаторида Ҳиндистонга боради. Фотомухбирлар совриндорлар орасида яқка аёл бўлган Зулфиядан Индира Ганди мукофотни топшираётганда кучоқлаб кўришини сўрашади. Улар шу ҳолатни расмга олишмоқчи эди.

– Индира Ганди – ҳукумат бошлиғи, мен оддий қаламқашман. Ўз ўрним, мавқеимни биламан. Индира хонимнинг муносабатига қараб жавоб қайтараман, – дейди Зулфия.

Шаҳд билан кириб келган Ганди хоним тақдирлаш маросимида ҳамма қатори Зулфия билан ҳам қўл олишиб кўришди, мукофотни топширади ва шоирамиз ўз жойига келиб ўтиради. Тадбир тугаб, Индирахоним чиқиб кетаркан, бирдан тўхтади, орқасига ўгирилади, Зулфия томонга кулимсираб юра бошлади.

“Шунда мен ҳам даст ўрнимдан туриб, унга пешвоз чиқдим. Икки аёл кучоқ очиб бир-биримизни табрикладик. Фотомухбирларнинг нияти холис экан, ўша лаҳзаларни суратга муҳрлашди”, дея эслади шоира бу ҳақда кейинчалик.

...1944 йил, 31 май оқшоми. Кечки овқатдан кейин ҳовли орқасидаги ерга экилган картошкани сугораётган Ҳамид Олимжон олдида Зулфия чой кўтариб чиқади.

– Ташна бўлиб турганимда чой кўтариб чиққан аёлингнинг садағаси кетсанг арзийди, – дейди шоир ва чойни қўйиб, ўзиям майса устига ўтириб олган аёлига таажжубланиб қарайди. – Ий-й, шунақаям бўларканми? – у устидаги енгил коржомасини ечиб, майса устига тўшайди: – Марҳамат!

Эртаси куни Дўрмонда қурилатган ёзувчилар боғидаги ишларни кўриб қайтаётган Ҳамид Олимжон автоҳалокатга учраб вафот этади. Ушанда 29 ёшда бўлган Зулфиянинг пешонасидаги икки энлик сочига бир кечада оқ тушган эди...

...Қайта қуриш йилларида бир ижодкор ўз асарида шундай шоира образини яратдики, уни ҳамма Зулфия опага ўхшати. Ҳатто бадий қаҳрамон ҳаёт йўли, фарзандининг исму шарифидан тортиб, уйининг пардалари рангигача бир қолипдан чиққандай эди... Айримлар тилида “Фалончи Зулфияни бошлади!” деган гап ҳам айланди. Асар босилган журналга тикилиб ўтирган Зулфияxonим оҳиста айтган сўзлари қалбимга санчилиб қолганди:

– Ижодкор хоҳлаган нарсаси ҳақида ёзиши мумкин, бундан сира хафа эмасман. Мени бошқа нарса қийнапти: у ижодкорни яхши кўрганимдан ёнимга, уйимга кўп қақирганман. Мен ҳақимда шундай фикри бўлган одамни олдимда узоқ-узоқ ўтиришга мажбур қилиб қийнаб қўйганимдан жуда хижолатдаман...

Муҳтарама УЛУҒОВА

Манба: Oyin.uz

...1956 йил, куз фасли. Венада ўтадиган Умумжаҳон хотин-қизлар конгрессига иттифоқдош республикалардан таклиф қилинганлар Москвада, хотин-қизлар кўмитасида тўпландилар. Улар орасида Зулфия Исроилова ҳам бор эди.
– Ўзбекистонда узум пишдимми? – деб сўрайди кўмита ходимларидан бири Зул-

фия опадан.

– Ҳа, фарқ пишди.

– Наҳотки, икки килогина олиб келиш мумкин бўлмаса, – дейди савол берувчи яна.

– Мумкин, лекин мен кўчада фақат аёллар сумкачасини кўтариб юришга одатланганман. Оғир, катта юклар кўта-

БУ ОҚШОМ

ЗУЛФИЯ

Бу оқшом пориллар дил нурингизда,
Дийдор бахти насиб яна Сиз билан.
Турибман, азизлар, ҳузурингизда
Ҳамон ўтлиғ кўнгил, ёруғ юз билан.

Ҳамон мулкимдаги сийму зарим – шеър.
Сочимда, чехрамда йиллардан нишон,
Саждагоҳим танҳо Ватан, Она Ер,
Орзуларим карвон, сарбоним – ишонч.

Ҳамон ота-онам, икки жаҳоним,
Азиз ёди аро шикаста, бутман.
Ишқим – алангадир, қордир, ҳижроним,
Саксон йил ловуллаб сўнмаган ўтман.

Иккита кўзимга икки қорачиғ –
Мунисим Ҳулқарим, алпим Омоним,
Ширин набиралар ҳаётдан тортиғ,
Ҳар бири жонига пайванддир жоним.

Номлари, ёдлари пайғамбар монанд,
Ҳазрат устозларим – теран илдишлар,
Мен ундан жон олиб кўқарган дарахт,
Меваси – қалбимдан отилган сўзлар.

Ҳикматлар бағрида дур, марваридим,
Аждодларим менга ифтихор, ғурур.
Шу мавжлардан томган нуқра умидим,
Шоира қизларим бахш этган сурур.

Бу назм боғига киролмас хазон,
Бизни маҳв этолмас завол лашқари,
Мен кетсам мунғаймас умрим ҳеч қачон,
Бу боғлар – бир боғлар бўлади ҳали...

Ҳамон эътиқодим – ҳақиқат, ҳақдир,
Сўзлайман, юзимни тутиб Каъбага,
Емира олмайди ўткнчи тақдир,
Осуда ўтади руҳим абадга.

Эъозлар, ардоғлар учун ташаккур,
Асли Сиз офтобим, мен зиёсиман.
Тонгларингиз кулсин дорилмон, хур,
Бахтим шул – ўзбекнинг Зулфиясиман.



MUASSIS: TADBIRKORLAR VA ISHBILARMONLAR HARAKATI –
O'ZBEKISTON LIBERAL-DEMOKRATIK PARTIYASI



Бош муҳаррир
Норқобил ЖАЛИЛОВ

Тахрир ҳайъати:

Ақтам ХАЙТОВ
Бахтиёр ЯКУБОВ
Мавлуда ХУЖАЕВА

Дилшод ШОУМАРОВ
Сирожддин САЙИД
Ақшагул ТУЛЕГЕНОВА

Нодир ЖУМАЕВ
Шухрат АСЛОНОВ
Насимжон АЛИМОВ

Тахририят манзили:
Тошкент шаҳри
Нукус кўчаси 73А-уй.

электрон почта:
xxi_asr@mail.uz
xxi_asr@mail.ru

Телефонлар:
қабулхона –
71 215-63-80
(тел./факс).
Обуна ва реклама
бўлими –
71 255-68-50.

“XXI asr” ижтимоий-сиёсий газетаси
Ўзбекистон Матбуот ва ахборот
агентлиги (ҳозирги Ўзбекистон Республикаси
Президенти Администрацияси ҳузуридаги Ахборот ва
оммавий коммуникациялар агентлиги)нинг 2011 йил
14 июнда 0009-рақами билан рўйхатдан ўтказилган.

“Шарқ” нашриёт-матбаа акциядорлик
компанияси босмаҳонасида чоп этилди.

Корхона манзили:
Тошкент шаҳри Буюк Турон кўчаси 41-уй.
Газета офсет усулида, А-2 форматда
босилди. Ҳажми – 3 босма табоқ,
Буюртма рақами: Г – 245
Адади: 4851
Баҳоси келишилган нарҳда.
Топширилди – 20:00

Тахририятга келган кўлэмалар тақрир
қилинмайди ва муаллифларга
қайтарилмайди.

© “XXI asr” газетаси олинган маълумотларга манба
сифатида газета номи кўрсатилиши шарт.

Муаллифлар фикри тахририят нуктаи
назаридан фарқ қилиши мумкин.

Газета тахририят компьютер
марказида терилди.

саҳифаловчи: Маъруфжон Раҳмонов
дизайнер: Муҳаммадхон Юсупов

ISSN 2181-497X



НАШР КЎРСАТКИЧИ: 406

1 2 3 4 5 6

Навбатчи муҳаррир:
Фаррух ЖАББОРОВ